

溫州府 文館



明代温州倭寇編年卷二

瑞安孫正釗

世宗嘉靖二年癸未一一五二二二三八三

倭使以爭貢作亂遁入海洋浙江備倭都指揮温州衛指揮同知劉錦追之戰歿浙中木宸事聞議絕倭使

明史三百二十二日本傳正德五年春其王源義澄遣使臣

宋素鄉耒貢時劉瑾竊柄納其黃金千兩賜飛魚服前所未

有也素鄉鄞縣朱氏子名縞幼習歌唱倭使見悅之而縞叔

澄負其直因以縞償至是充正使至蘇州澄與相見後事覺

法當死劉瑾庇之謂澄已自首並獲免嘉靖二年五月其
貢使宗設抵甯波未幾素鄉偕瑞佐後至互爭真偽素鄉賄
市舶太監賴恩宴時坐鄉於宗設上船後至又先為驗發宗
設怒與之鬪殺瑞佐焚其舟追素鄉至紹興城下素鄉竄匿
他所兇凶黨還甯波所過焚掠執指揮表奪船出海都指
揮劉錦追至海上戰殺巡按御史歐珠以聞御史熊蘭給
事張紳文章言閉關絕貢振中國之威寢狡寇之計

明史紀事本末五十五沿海倭亂嘉靖二年五月日本諸道
爭貢大掠甯波沿海諸郡邑鄞人宋素鄉者初奔日本正德

六年與其國人源永壽來貢其從父澄識之告素鄉附倭狀
守臣以聞置不問至是源義植幼隘不能制命羣臣爭貢
各強給符驗在京兆大夫內藝興遣僧宗設在京兆大夫高
貢遣僧瑞佐及宋素鄉先後至甯波爭長不相下故事番貨
至市舶司關貨及宴坐並以先後為序時瑞佐後而素鄉狡
賄市舶太監先關瑞佐貨宴又坐宗設上宗設不平遂與瑞
佐相讐殺太監又以素鄉故陰助瑞佐之兵器而宗設畏
強拒殺不已遂燬嘉賓堂劫東庫逐瑞佐及餘姚江瑞佐奔
紹興宗設追之城下令縛瑞佐出不許乃去沿途殺掠至西

霍山洋殺備倭都指揮劉錦千戶張鏜執指揮袁璣百戶劉
恩又自育王嶺奔小山浦殺百戶胡源浙中大震宗設負固
據海暴巡按御史歐珠鎮守太監梁瑤奏聞遠素鄉下獄待
訊倭自是有輕中國心矣

萬曆温州府志九治行志郡良吏劉錦字尚文温州衛指揮
同知嘉靖二年擢浙江總督備倭守定海是年夏島倭宗設
宋素卿入貢爭長相讐殺因而焚掠自甯波直抵紹興城下
賴錦驅蕩倭乃捨舟突出關口錦倉卒以後兵交海道張芹
繼進自督舟師追剿與倭戰於霍山洋自辰至申援兵不至

忽戰棚蹶陷士卒多墮水賊遂躡躍過舟錦揮刃奮格力竭
亦墮水臺省上其事詔進爵世襲指揮使建嘉善坊旌之祀

定海名宦

光緒永嘉縣志十大人物志忠義劉錦傳注云疑非永嘉人
始仍舊志

籌海圖編十過難徇節考嘉靖二年日本使者宋素卿等作
亂遁入海洋備倭都指揮劉錦追之戰死 兵皆不追錦獨
往果為所殺

明史七十五職官志市舶提舉司：掌海外諸蕃朝貢市易之事，辨其使人表文勘合之真偽，禁通番征私貨，平交易，閑其出入而慎館穀之。嘉靖元年陰事中，夏言奏倭禍起於市舶，遂^革福建浙江二市舶司，惟存廣東市舶司。

又三百二十二日本傳相制浙江設市舶提舉司，以中官主之，駐甯波海船，至則平其直，制馭之權在上。及世宗盡撤天下鎮守中官，并撤市舶，而濱海奸人遂據其利。初，市猶商主之，及嚴通番之禁，遂移之貴官，家員其直者愈甚，索之急，則以危^言嚇之，或又以好言紿之，謂我終不負若直，倭喪其財，不得返，已大恨。

明史紀事本末五十五沿海倭亂，嘉靖二年給事中夏言上言倭^患起於市舶，遂罷之初，太祖時雖絕日本而三市舶司不廢，市舶故設太倉黃渡，尋以近京師改設福建浙江廣東七年罷，未幾復設，蓋以遷有無之貨者，成守之禁，禁海，抑

黃漢甌來補五採考古類編嘉靖倭寇初因市舶怨爭失于

調劑又奸豪挾詐攫貨不酬使倭酋蓄恨甘心一逞于是汪

五峯徐碧溪毛海峯之徒因而勾之大肆焚劫始于浙東既

而瀕海郡縣所至殘破

明史七十五職官志市舶提舉司掌海外諸蕃朝貢市易之事辨其使人表文勘合之真偽禁通番征私貨平交易隄其出入而慎館穀之嘉靖元年陰事中夏言奏倭禍起於市舶遂^革福建浙江二市舶司惟存廣東市舶司

又三百二十二日本傳相制浙江設市舶提舉司以中官主之駐甯波海船至則平其直制馭之權在上及世宗盡撤天下鎮守中官并撤市舶而濱海奸人遂操其利初市猶商主之及嚴通番之禁遂移之貴官家員其直者愈甚索之急則以危^言嚇之或又以好言^言船之謂我終不負若直倭喪其貨不得返已大恨

明史紀事本末五十五沿海倭亂嘉靖二年給事中夏言上言倭^患起於市舶遂罷之初太祖時雖絕日本而三市舶司不廢市舶故設太倉黃渡尋以近京師改設福建浙江廣東七年罷未幾復設蓋以遷有無之貨者成守之禁禁海實抑

黃漢甌來補五採考古類編嘉靖倭寇初因市舶怨爭失于調劑又奸豪挾詐攬貨不酬使倭蓄蓄恨甘心一逞于是汪五峯徐碧溪毛海峯之徒因而白之大肆焚劫始於浙東既而瀕海郡縣所至殘破

紀勞矣嘉靖寇亂之復發而且加甚焉者豈偶然哉籌海
圖編引唐樞云寇與商同是人也市通則寇轉而為商市
禁則商轉而為寇何夏言之見不及此耶本編特勞及之
以原福反條國温州及瑞安舊並有市舶分司見宏治志公署

嘉靖五年丙戌一五二六
一一八六

命沿海諸衛充實軍伍修補各水寨所有備倭戰船責以操練
雍正浙江通志九十五海防引明實錄嘉靖五年二月御史
簡霄疏言沿海諸衛軍伍虛耗水寨軍及備倭船存者無幾
故竊發率臨時募兵造船動失機宜此不可不慮宜設法清

補復舊額軍伍既充則修補戰船責以操練乃可備緩急從
之

案籌海圖編五載稱金鄉盤石二衛海港守備有水寨凡
五黃華水寨東接大海大小門雷寨南枕港口乃温州之
咽喉也舊制戰船四十餘艘南會飛雲北會白岩塘交相
巡哨江口水寨東臨大海至五嶼等寨北至平陽縣外接
琵琶長腰陌城陽嶼等大洋為平陽門戶舊制戰船三十
餘艘飛雲水寨温州適中之地也舊名中軍水寨南臨海
港外接鳳凰山內過縣治實衛護府縣之門戶也舊制戰

船四十餘艘鎮下門水寨東距大海倭若登犯徑抵瑞安
所城則平陽赤峭諸處無策捍禦極為衝要舊制戰船二
十艘南會福建烽火門流江北會江口港巡哨白岩塘水
寨東濱於海實蒲岐所之外戶也舊設戰船二十隻北會
松門楚門南會黃華港巡哨並立諸水寨歲久撤備云又
嘉靖瑞安縣志六兵防志載稱飛雲水寨在飛雲江口巡
檢司西因界於兩縣兩所之間謂之中軍水寨與巡司相
犄角實當大江之衝云

重拓蒲岐千戶所教場

光緒樂清縣志六兵制志附錄朱諫重修蒲岐千戶所教場
記：國初設守禦千戶所於蒲岐命信國公湯和度山川之
要會崇難堞於海隅爰闢場地於城南西畔日肆甲冑之士
但其舊規稍隘部位馳驟氣不甚張是時以民業相界未遑
展拓故也至正德元年總督備倭都指揮白公宏乃檄掌印
千戶何虎賈軍人楊毛民田四畝五分又以官地易積慶寺
民田一畝七分補南北之不足而地稍長坎岸低窪猶未墊
貼至嘉靖五年平溪白公文前都指揮宏嗣子也以把總備
倭事按所練軍顧視西界仍爾偏側將買地以廣之地乃致

政于戶何處業也平溪公以意喻之何無斬色曰處有民由
一畝井以作小河者計二畝三分俱連界畔願弗取嘗以贊
歐美平溪公悅乃命工荷歸不日吉平則南北之長與東西
之廣相稱縱橫一望可立萬人至是則步伍之周旋戈予之
運掉弓矢之及遠者無所碍矣載視廳事樓宇誤狹朽腐與
以肅中堅之威併是二者白諸巡海副使傅公鑰兵備分巡
副使黃公質總都指揮西公靖李節皆如所請於是關地掄
材不日告成措置宜而用度省一無所擾於下焉

嘉靖七年戊子一五二八

泰順義士包昂督兵海上禦敵有功

林鶚分疆錄八人物志義行傳包昂字軒嘉靖戊子

以義士督兵守禦海濱衝鋒破敵屢戰多斬贊道論功授把

總守金鄉海口

嘉靖八年己丑一五二九

夏四月寇犯蒲岐所又叔樂清西門警聞調磐石衛軍禦之而
衛軍以逃兵扣餉譁變於是朝廷設都御史巡視浙閩令查辦
叛軍進剿取並整理地方興革重務

雍正浙江通志九十兵制志引明法傳錄嘉靖八年六月溫

州有海賊之警有逃軍之變科臣夏言請設都御史巡視浙
江徙之

又引明泳化類編磐石衛屬浙江温州府地頻海且饒魚鹽
生理豐裕時屬承平士卒多逃役者嘉靖乙丑秋知府丁瓚
等議於逃軍名下扣支月糧貯庫軍士逃恚憤不自戢糾黨
四百餘人披甲持刀擁入管頭地方執主簿吳永寘軍中時
通判栗廷用踰牆走賊遣人要曰還我扣支月糧方肯退兵
瓚不得已隨取官銀三千餘兩給諸叛卒擁兵如故先是蒲
峽千戶所報是年四月內有賊船三百餘人上岸擄掠人財

放火燒屋又有賊船十四隻約五百餘人登岸殺擄男婦燒
燬房屋鹽廠巡按御史張問行以其事聞遂劾奏海道副使
傅鏞指揮胡璉曹營等至是磐石又叛御史王化以聞時給
事中夏言上疏云磐石之變在法尤為難容有司因其逃役
扣除月糧事必有據何至擁眾稱兵縛官執吏敢負國家素
養之恩自蹈叛逆之罪今又加以海賊犯我邊防及今不重
加處置誠恐將來有不可收拾之患乞查照先年事例添設
巡視浙江都御史一員奉勅前去假以督軍重權兼制鄰境
將磐石衛叛軍事情務要體勘明曰將主首倡亂之人亟加

顯戮以正憲典仍令設法剿除海寇一應地方興革重務付之整理遂命吏部推舉大臣具文武材畧者往彼巡撫

萬曆温州府志十八雜志倭變嘉靖八年四月倭劫樂清縣

西門

光緒樂清縣志十四寇警志嘉靖八年夏四月倭寇樂清縣

西門 礮石兵變執主簿吳永通判栗廷用走免 寇劫西

門發聞調礮石衛軍禦之糧餉失期大譁遂揚旗向縣襲通

判栗廷用栗開變避縣後山巖竇中得免其後亂軍誅剽有

差 鄭振有志明泳化類編所載扣糧情事兵變時日與萬

志稍異

吳廷燮明督撫年表四引明實錄嘉靖八年七月戊午時浙

江温州有海寇之警有逃軍之變 兵科給事中夏言疏

請添設巡視浙江等處都御史一員 八月丙戌改巡撫山

東右副都御史王堯封巡視浙江福建沿海地方

案雍正通志引明泳化類編條嘉靖乙丑乙字己之誤

十一月寇犯鶚頭樂清人方輅拒戰死之因遷白沙巡檢司於

鶚頭蒲岐所千戶魏奎陳積以罪謫官

萬曆温州府志十八雜志倭變嘉靖八年十一月倭登樂清

鶚頭邑人方輅乘高設弩拒之後以數人登岸我兵居後者
先望見即退卻倭遂益進輅居前不顧被擒賊恨之慘死詔
卹其家命有司致祭旌曰義勇

隆慶樂清縣志二廟宇志合屬北監巡檢司在窰裏元建玉
環鄉北監本朝洪武間徙窰裏後徙白沙又徙鶚頭

又七志餘紀亂嘉靖八年十一月倭至鶚頭邑義勇方輅死
之倭至鶚頭方輅素善弓弩率義勇乘高拒戰時承平日
久人不知戰數賊登岸義兵稍稍退走而輅前突其陳遂為
所執死甚慘事聞詔給其家有司致祭立旌善亭於其地

又四秩祀志義勇祠祀禦倭死事方輅

光緒樂清縣志十四寇警志嘉靖八年十一月倭寇鶚頭
因遷白沙巡檢司於鶚頭而蒲岐千百戶魏奎陳積俱坐竊
遠衛軍

是歲禁沿海居民為番貨富主

雍正浙江通志九十五海防志引明實錄嘉靖十一年禁沿

海民民毋得私充牙行積蓄貨以為富主勢豪違禁大船

悉報官折毀以杜後患

嘉靖十年辛卯二一五三一

罷浙江巡視不設

明督撫年表四

嘉靖十三年甲午一五三四

詔浙江出海操備軍士三年一更增設金磐二衛守備

續文獻通考一百三十二兵考嘉靖十三年十一月詔浙江

出海操備軍士三年一更增設金鄉磐石守備 按察使副

使戴金言出海駕船操備軍士往者議以歲更交代頻煩人

無固志後議九年乃更則久戍不堪宜令三年番上至海防

阻塞英如溫之金鄉磐石統三衛九所五寨宜增設守備詔

從之

漳船假倭名劫茅峴

光緒玉環廳志十四雜記志寇警引太平縣志

又一輿地志茅峴山在二十二都城西三十五里東距苔山

五里奇峯重疊曠野平坦有田可耕有薪可採

嘉靖十九年庚子一五四〇

奸人引倭聚竄波雙嶼港為巢

明紀三十三世宗紀初本朝定制片板不許入海承平久奸

民闌出勾倭人及佛郎機諸國人互市閩人李光頭歛人許

棟臨甯波之雙嶼為之主司其質契勢家護持之漳泉為多
或與通婚姻假濟渡為名造雙桅大船運載違禁物將吏不
敢請也或負其直標等即誘之攻剽負直者脅將吏捕逐之
泄師期令去期他日償他日至員如初倭大怨恨益與標等
合

明史紀事本末五十五沿海倭亂自罷市後凡番貨至輒
主商家商率為奸利負其責多者萬金少不下數千索急則
辭去已而主貴官家而貴官家之負甚於商者人近島生索
其負久之不得食乃出沒海上為盜輒搆難有所殺傷費

官家患之欲其急去乃出危言撼當事者謂番人泊近島殺
掠人而不一兵驅之備倭固當如是耶當事者果出師而
先陰洩之以為得利他日貨至是復然如是者久之倭大恨
言挾國主質而求不得直曷歸板必償取爾金寶以歸因盤
據島中不去並海民生計困迫者糾引之失職衣冠士及不
得志生儒亦皆與通為之鄉導時時寇沿海諸郡縣

乾隆温州府志八兵制志福建擊囚百餘逸獄下海勾引倭

船巢於甯波之雙嶼出沒為患時浙江海禁甚嚴奸民王

五峯等竄身倭國勾引商招納亡命自是番船遍海為患

籌海圖編五浙江倭變紀嘉靖十九年賊首李光頭許棟引
倭聚雙嶼港為巢光頭者福人李七許棟歛人許二也皆
以罪繫福建獄逸入海勾引倭^如結果於鄞甯之雙嶼港其
黨有王直徐惟學葉宗滿謝和方廷助等出沒諸番分跡粟
掠而海上始多事矣

又十一經畧一叙寇原太守嚴中云海商原不為盜然海盜
從海商起何也許二王直輩通番渡海常防劫奪羣島夷之
饒悍而善戰者蓄於舟中泊於雙嶼列表瀆海之民以小舟
裝載貨物接濟交易夷人欺其單弱殺而奪之接濟者不敢
自往聚數舟以為衛其歸也許二輩遣倭一二十人持刃送
之倭人還舟遇船即劫遇人即殺至其本國道中國劫奪之
易遂起各島歆慕之心而入寇之禍不可遏矣

又八寇踪分合始末圖譜金子老嘉靖十八年屯雙嶼港
李光頭十九年四月合踪二十二年許棟合踪二十二
年起至二十七年分據福建浙江雙嶼港之寇金子老倡
之李光頭以舅舅雄海上子老引為羽翼迨子老去光頭獨
留而許棟王直則相繼而興者也

案嘉靖間倭亂最甚而雙嶼港列港為港等處先後為引

倭入寇者之窟穴其地皆近在甯波沿海此温州之所以
無寧日也●其流轉盤踞既與溫甯有關則本編當旁涉
之故茲分年附著焉王直一作汪直字五峯一作武峯

嘉靖

二十二年癸卯一五四三
二〇三

增州縣民壯額

明史九十一兵志嘉靖二十二年增州縣民壯額大者千人

次六七百小者五百

續文獻通考一百二十八兵考按甯錄言大州縣增至千人
其次八九百又次五六百最小百名與兵志不相符

嘉靖瑞安縣志三田賦志雜役民壯四百名 原額五百名

後革二百五十名今因海洋多警增復舊額照丁田徵銀召

募勇力者四百名充當餘一百名徵銀解府以充客兵之費

捕盜應捕一十五名於民壯內選發巡捕官管領

案温州屬縣民壯額增減情形惟瑞志略有記載如右隆

慶樂清志僅言民壯三百名捕盜應捕十五名於民壯內

充等語未詳其所損益也其他各縣並尚待攷

嘉靖

二十三年甲辰一五四四
二〇四

十二月十二日夜海寇大艦泊平陽錢倉江步次日突出縱火

劫掠而去

乾隆平陽縣志十八雜志時變

嘉靖二十四年乙巳二一五四五

樂靖館頭有寇警溫州衛千戶王欽百戶林鳴鳳相繼領軍來守幸保無事

高誼南屏道人年譜引春巖集

嘉靖二十五年丙午二一五四六

溫州衛教場遷於鎮海門外

康熙溫州府志六公署志溫州衛教場在鎮海門外舊在府

治西明嘉靖二十五年郡守洪垣遷今地

案康熙府志十八名宦志洪垣傳稱垣於乙巳解緘去而遷教場事乃在其去後可疑

寇劫樂清鶚頭知縣歐陽震先事調度伏兵戰大捷從此寇不敢再踴鶚頭

侯一元二谷山人集雁蕩城鶚頭碑文見下

是役也處州人年洪方旗幟等斬賊有功為立昭義樓

萬曆溫州府志十八雜志倭變嘉靖二十五年倭劫鶚頭處

州年洪等拒戰勝之斬首數十級縣人為立昭義樓

光緒樂清縣志二下邑里志古蹟貽義樓在鵝頭東甌遺事
嘉靖二十五年海寇劫鵝頭處州義士牟洪方梅榭拒戰勝
之縣為立貽義樓

案二谷鵝頭城碑文言嘉靖乙巳秋賊登岸又言其後賊
不敢踴鵝頭而府縣舊志並載二十五年倭劫鵝頭與二
谷所謂後不敢踴句相違疑二谷撰作時追憶往事或誤
年分耶茲姑并作一談

嘉靖二十六年丁未二五〇七

浙江始專設巡撫

明史七十三職官志巡撫浙江等處地方兼提督軍務一員
嘉靖二十六年以海警始命都御史巡撫浙江兼管福建
福興建寧漳泉海道地方提督軍務

又二百五宋紉傳嘉靖二十五年擢右副都御史巡撫南贛
明年七月倭寇起改提督浙閩海防軍務巡撫浙江

又三百二十二日本傳二十六年六月巡按御史楊九澤言

浙江甯紹台溫皆濱海界連福建福興漳泉諸郡有倭患雖
設衛所城池及巡海副使備倭都指揮但海寇出沒無常兩
地官弁不能通攝制禦為難請始往例特遣巡視重臣盡統

海濱諸郡庶事權歸一咸令易行廷議稱善乃命副都御史朱納巡撫浙江兼制福興漳泉建寧五府軍事

明紀三十三世宗紀浙閩海防久隳戰船哨船十存一二漳泉巡檢司弓兵舊額二千五百餘僅存千人倭剽掠益無所忌來者接踵乃改南贛巡撫都御史朱納於浙江兼提督福建漳泉建寧五府軍務

明史紀事本末五十五沿海倭亂巡按浙江御史陳九德請大臣兼巡浙福海道開軍門治兵捕討聽以軍法從事從之乃以朱納為右副都御史巡撫浙江兼攝福興漳泉未至而泊寧波台州諸近島者已登岸攻掠諸郡邑無算官民解舍焚燬至數百千區巡按御史裴紳乞敕納嚴禁泛海通番勾連主藏之徒從之

雍正浙江通志一百十七職官志引列傳年表總督軍務巡撫自永樂以來或以治農或以采木或以賑饑或以督租或以理鹽或以地方有事巡視鎮守但事寧則罷並未專設巡撫至嘉靖二十六年沿海寇發始命都御史巡視浙江福建案請設浙江巡撫之建議者諸書所載有作楊九澤有作陳九德茲檢雍正浙江通志職官巡按御史列楊九澤而

不見陳九德而其兵志引明實錄及海防引肅皇外史則
二名各見蓋修志者簡筆抄摘不加考校一書之中自相
抵牾往二類此

建都察院官廡於温州

康熙温州府志六公署志都察院在府治西明嘉靖二十六

年建係舊教場址

樂清鵝渚堡城成

隆慶樂清縣志一

壤地志營堡鵝渚城在十五都後據嘉靖

間知縣歐陽震建

候一元二谷山人雁蕩集城鵝頭碑：鵝頭者其山下漸於
海深流俯岸無沮洳以難之海有不靖即鵝頭常先受兵嘉
靖乙巳秋賊一夕登岸邑侯歐陽公先事調度伏兵戰大捷
事具先君子記中其後賊未他處輒膠沮洳斬破舟者數
而終不敢睨鵝頭第逡巡海中則以候前日一戰奪其要
路也侯深惟賊尚逋誅遊魂假息而民無瀟灑之限戰勝餘
威不足恃也迺復即鵝頭城烏歲丁未月城成邑人候一
元曰休哉我侯為樂樹百世之固往者賊紛紜時議者多言
海防其大者不出三事一曰欽民心保毋令樵漁者為餌于

賊禽者為賊間焉二曰召募得賊者與贖金或獲以界之
則人自奮而戰其所三曰戌要害寇未則有所規過則自顧
而不敢深入是三者皆難而侯大略施行矣迺余本侯之功
莫尚於為民請賑其次自將距險又其次乃今為城當乙巳
之歲衝中國以南連有大侵吾樂中人之家群行搏食法寤
不行而有司請賑不得鄰境之糴交閉民安逃死乎縣是閭
閻日蹙賊眾日滋邑上音里畢為賊得是有縣來何獨漁樵者之
咎乎侯時下車未久洞洞斯害若沃焦釜迺挺身獨爭監司
得粟數千石各以豆區區民始全活來糴勸分小大悉定

士之病者稍任負戈迺始料揀習之於戎故曰用兵之道要
在附民假令侯奉職自全畏於失上則必不能得粟百里之
內人人自搖誰與制敵矣故吾以為為侯之上功兵久不用敵
袴日輸平時旋抽之節曹為谷觀急則固其城加壘石焉媿
然亡為民援之心侯援得所鼓迺市子弟耳亡不手戰而戰
者若何嘗敵侯乃躬率之海上止於兵衝賊艦咫尺軍聲相
聞侯堅臥有條侯之膽身犯矢石有安平攻敵之志用是人
人氣決不戰自倍然後香餌重賞可得而用矣故侯自將之
以奮士捷矣侯又不恃戰而城是營存補周由男侯名震巴陵人

嘉靖二十七年戊申二五〇八

夏官兵搗雙嶼港賊巢平之時賊船有泊南鹿山女兒礁洞門青鼻者聞驚巢破未知所歸潛自他去

明史二百五朱紱傳進攻雙嶼使副使柯喬都指揮黎秀分

駐漳泉福甯遏賊奔逸使都司盧鏜將福清兵由海門進

夏四月鏜遇賊於九山洋俘日本國人稽天許棟亦就禽棟

黨汪直等收餘眾遁鏜築塞雙嶼而還番船後至者不得入

分泊南鹿礁門青山下八諸島

籌海圖編五浙江倭變紀嘉靖二十七年四月都御史朱公

紱遣都指揮盧鏜副使魏一恭等搗雙嶼港賊巢平之賊首

李光頭就禽時海壇多警軍無紀律浙福二者互相抵牾

賊得肆志議者請設巡視都御史以節制之上命朱公紱行

公至即二省守巡諸官各分信地或戰或守皆有專責而以

福建都指揮盧鏜諳海上事即以委之鏜乃與海道副使魏

一恭備倭指揮劉恩至張四維張漢等部署兵船集港口挑

之賊初堅壁不動迨夜風雨昏黑海霧迷月賊乃逸巢而出

官兵奮勇夾攻大勝之俘斬溺死者數百人賊首許六姚火

總與大富主顧良王祝良貴劉奇十四等皆就擒鏜入港燬

賊所建天妃宮及營房戰艦賊巢自此蕩平餘黨遁往福建
之浯嶼鐘等嶼大敗之翼日賊船有泊南麓山女兒礁洞門
者暴者知巢窟已破無所歸去之下八山潛泊五月官兵
築雙嶼港由是賊舟不得復入而二十年盜賊淵藪之區
至是始空矣

又八寇踪分合始末圖譜至直二十三年入雙嶼港二十
七年直收許棟餘黨自作船主

六月二十日金鄉衛指揮吳川追攻於近山海洋復破之
籌海圖編五浙江倭變紀六月賊首許棟就擒二十日金

鄉衛指揮吳川追攻於近山海洋賊船為我所迫又過暗礁
舟覆所遺僅二人棟與其弟杜武也官兵擒之積年巨寇一
旦生俘之蓋天意假手云王直徐惟學毛烈收其餘黨復肆
猖獗

七月浙巡撫改巡視

明史七十三職官志嘉靖二十七年改巡撫為巡視

又二百五朱紉傳紉巡海道采僉事項高及士民言謂不革

渡船則海道不可清不嚴保甲則海防不可復上疏具列其

狀於是革渡船嚴保甲搜捕奸民閩人資衣食於海驟失重

利維士夫家亦不便也欲沮壞之夏四月倭日本國人稽天許棟亦就擒勢家既失利則宣言被禽者皆良民非賊黨用搖惑人又挾制有司以脅從被擄予輕比重者引強盜拒捕律納上疏令海禁分明不知何由被擄何由脅從若以入番導寇為強盜海洋敵對為拒捕臣之愚暗實所未^解遂以便宜行戮納執法既堅勢家皆懼且曰去外國盜易去中國盜難去中國瀕海之盜猶易去中國衣冠之盜尤難閩浙人益恨之吏部用御史閩人周亮及給事中葉鏜言奏改納巡視以殺其權納憤

又三百二十二日本傳當是時日本雖入貢其各島諸倭歲常侵掠濱海奸民又往往勾引之納乃嚴為申禁獲交通者不俟命輒以便宜斬之由是閩浙大姓^素為倭內主者失利而怨納又數騰說於朝顯言大姓通倭狀以故閩浙人皆惡之而閩尤甚巡按御史周亮閩產也上疏詆納請改巡撫為巡視以殺其權其黨在朝者左右之竟如其請
明通鑑五十九嘉靖二十七年秋七月甲戌詔改巡撫浙閩等處為巡視

明史紀事本末五十五沿海倭亂納乃下令禁海凡雙槽船

艘一切毀之違者斬乃日夜練兵甲嚴糾察教導船盜漸敢
破誅之福建海道副使柯喬都司盧鏜捕獲通番九十餘
人以上納立決之於演武場一時諸不便者大詳蓋是時通
番浙自甯波定海閩自漳州月港大率屬諸貴官家咸惴惴
重足互相詆誣不休調御史周亮給事中葉鏜奏改納為巡
視

案籌海圖編云二十七年請設巡視命朱公竹蓋未知其
實由巡撫改官也又續文獻通考兵考按語自改巡視在
三十一年亦誤

九月官軍破溫盤南麂諸寇

明紀三十三世宗紀嘉靖二十七年九月朱納討溫盤南麂
諸賊連戰三月大破之

明督撫年表四引明大政記二十七年九月朱納破海賊於
溫州

數年以來副使夏浚備兵溫處指授方畧屢奏膚功

雍正浙江通志一百四十八名宦志引江西志夏浚字惟明

玉山人嘉靖進士授海鹽令歷陞溫處兵備副使特浙東海

寇猖獗浚授方畧鄂渚平陽慶元金盤相繼奏捷

案夏兵備任期未詳温州處州府志職官並不載其名茲以嘉靖二十五年有鸚頭之捷是年有金鄉衛指揮吳川破賊及官軍破溫甯南麈諸賊等事又先緒處州府志卷十二武備志戎事稱嘉靖二十四年慶元知縣陳澤擊賊吳主姑殲其眾平之云云綜合觀之蓋與通志所云鸚諸平陽慶元金甌相繼奏捷等語適相符合可略信知夏公

温州被寇

甌乘補五採考古類編嘉靖二十九年福建林汝美等誘日本倭奴橫行水上時廣賊陳四盼亦屢劫投華夷成黨為患孔棘寇温州破黃巖陷甯甯東南大震

明史七十三職官志浙江巡視二十八年罷

又二百五朱紘傳紘上疏言臣整頓海防稍有次第虎欲侵削臣權致屬吏不肯用命既又陳明國是正憲體定紀綱扼要害除禍本重斷決六事語多憤激中朝士大夫先入浙閩人言亦有不悅紘者矣御史陳九德劾紘擅殺慈紘職命兵科都給事杜汝楨按問紘聞之慷慨流涕仰藥死二十九年坐紘擅殺紘已前死柯喬虛鏜等並論重辟紘清強峭直勇於任事故為國家杜亂源乃為勢家構陷朝野太息自紘死罷巡視大臣不設中外搖手不敢言海禁事浙

中衛所四戰船四百三十九尺籍盡耗納招福清捕盜船四十餘分布海道在台州海門衛者十有四為黃巖外障副使丁湛盡散遣之撤備弛禁未幾海寇大作毒東南者十餘年明通鑑五十九嘉靖二十九年秋七月壬子選巡視閩浙都御史朱紱...納聞之...仰藥死...自紱死並巡視亦罷明史紀事本末五十五沿海倭亂朱紱復上言長嶼諸處大使林參等號稱刺違總管勾連倭舟入港作亂更有巨奸擅造艚船走賊島為鄉導躡海濱論明確宜正典刑章下兵部侍郎詹榮覆奏中國待外裔不以白背責之以昭天地之

量紱所論坐俱關重刑乞下都察院覆覈從之於是御史周亮等劾納舉指乖方專殺放擯...遂奪紱官命還籍聽理...納恚自殺士論惜之遂罷巡撫御史不復設

案明史職官志作二十八年罷誤明史紀事本末稱罷巡

撫御史不復設撫字後字並誤又案朱子純以功獲罪莫竟厥

施此嘉靖倭禍之所由熄而復熾也其於温州寇事寧無

相當關係哉故本編錄其遺事亦遂稍多焉

永嘉縣沙城築成

乾隆永嘉縣志二十四藝文志羅洪先永嘉沙城記...永嘉

沙場東勢於海土不能提思易以石舊矣嘉靖戊申議
城南起一都長沙北至沙村寨以丈計之至二千六百一十
有九石之長丈方尺者十之以為高五之以為厚采輪崇築
之直總為金以兩計之至五千四百有奇石之厚而廣與高
稱畚土輔石具礎云渠始於戊申三月至庚戌二月而城
成矣內之足以固斤南而資漑蕩外之足以計震盪而遏
寇畧是有大惠德於永嘉也

嘉靖三十年辛

二一五五一

寬海禁

明史紀事本末五十五沿海倭亂嘉靖三十年夏四月浙江
巡按御史董威宿應冬前後請海禁下兵部尚書趙錦覆議
從之自是船主土豪益自喜為奸日甚官司莫敢禁

案雍正浙江通志職官志巡鹽御史有董威宿應麟

移兵巡道常鎮温州

雍正浙江通志九十兵制志引全浙兵制考溫處區兵巡道
下中軍名色把總一員哨官四員民兵一總官兵雜役共四
百九十八員名旗牌官一員帶領本道隨征軍兵一百二十
名水兵一枝唬船八隻抽隊兵九十二名貼駕車三十五名

萬歷温州府志七秩官志溫處二府隸浙東道各置按察副使分巡前以處州有礦徒生事故常鎮於處時巡於溫嘉靖三十年專勅防倭整飭兵備移鎮温州為兵巡道建署

康熙温州府志六公署志分巡道在城西南隅雁池嘉靖

二十六年以後設兵防倭專救整飭兵備乃移鎮温州為兵

巡道

又十四兵防志明兵制水關兵巡道江防并雙崑哨官一

員隸本道中軍把總部下共領戰船一十七隻專守雙崑為

南北應援游兵

又陸營兵巡道中軍營設名邑把總一員哨官五員統領官

兵一枝屯劄府城操守汛期調發二哨出守瑞安東山海口

專禦上塢東山一帶地方三哨防守府城

乾隆温州府志十七職官志溫為重地嘉靖三十年後移兵

道常駐温州巡海一區封疆攸寄

案籌海圖編五浙江兵防官考巡視海道副使條注稱近

因地方多事各郡俱設兵備以分巡兼之其沿海兵糧則

海道督理如故不分云其下接列整飭杭嘉湖兵備副使

整飭溫處兵備副使整飭甯紹兵備副使添設台金嚴兵

備僉事等官蓋海道副使全省止一人兵巡道則二郡或
三郡設一員也

瑞安飛雲關設總哨官泊鳳凰

雍正浙江通志九十八海防志飛雲關飛雲渡橫截南北往
來者必出於此東為飛雲水寨一總哨官一員部領哨官一
員船二十八隻兵四百五十大名汛期屯泊鳳凰海洋哨守
銅盤長瀨盡頭南龍長腰一帶北接東洛南鹿遊兵哨各官
兵交相會哨專禦瑞安瑞安沙園宋埠仙口一帶地方

康熙温州府志十四兵防志明兵制水關飛雲關在瑞安縣

地方設總哨官一員哨官一員帶領民捕船兵二百五十九
名軍隊船兵二百四十五名大小戰船二十一隻

顧炎武天下郡國利病書八十八浙江飛雲關原係水砦

永嘉州衛官軍防守嘉靖三十年改設總哨官

嘉靖三十一年壬子二五五二

寇移巢定海金塘山之烈港

明史紀事本末五十五沿海倭亂汪直者徽人也以事亡命

走海上為船主渠魁倭人愛服之倭勇而鷓不甚別死生
每戰輒赤體提三尺刀舞而前無能捍者其魁則皆浙閩人

善設伏能以寡擊衆大羣數千人小羣數百人而推直為最
徐海次之又有毛海峯彭老生不下十餘帥列近洋為民害
籌海圖編五浙江倭變紀嘉靖三十一年王直移巢烈港
直既破陳思聰求市不得乃引倭夷突入定海關官兵卻之
遂移泊金塘之烈港七命之徒日益附之由是邊海郡邑無
處無賊矣 廣東賊首陳思聰自為一踪與直弗協直用計
掩殺之由是海上之寇非受直節制者不得自存而直之名
始振聾海舶矣

又八寇踪分合始末圖 譜 王直三十一年併陳思聰分踪入

寇

又十一經略一叙寇原都督萬表云王直原在許二部下
領其餘黨改住烈港 浙水 併殺同賊陳思聰柴德 美 等船伍
遂至富強以所部船多乃令毛海峯徐碧溪徐元亮分領之
自隔黃巖屠窮窟而其志益驕其後四散劫掠不於餘姚
則於觀海不於樂清則於瑞安凡通 番 之家則不相犯人皆
競趨之

籌海圖編元大提考擒獲王直篇叙直事之始末特詳
又烈港一作列表

永嘉士紳王沛王德招集鄉民訓練為義兵以御寇

明史二百九十忠義傳王德字汝修永嘉人嘉靖十七年進

士歷戶科給事中出為嶺南兵備僉事落職閒任德鄉

居以倭亂奉母居城中傾貲募健兒為保障計

萬歷温州府志十二人物志忠節傳王沛字子大個體尚

名節仗義疏財鄉閭急難者多以為歸嘉靖子倭夷肇亂

沛謀諸鄉族集兵為守禦計

籌海圖編十過難旬節考王德情倭流劫募集義兵二千

水兵二百勦之王沛字崇大以例授良醫七品散官歲壬

子倭寇海濱崇大首倡大義招集義兵七百餘人團操保禦

屢建奇功後因從子廣東僉事德致政而歸加募勇壯至二

千五百有奇後與賊戰龍溪戰長沙皆有戰績

英橋王氏家錄內編二義兵紀事嘉靖三十一年壬子倭擾

海上沿海居民皆望風奔竄吾鄉尤瀕海贈寺丞仁山公僉

憲東華公欲保障一方乃集族黨丁壯為義兵約千人捐貲

造器械演習武藝每遇汛期則糾聚誓戒于宗祠為防守計

又外編五何鐘贈太僕寺丞仁山王公墓誌銘嘉靖中倭寇

起東南虜掠海濱諸郡邑曾無虛歲所在望風奔靡有司苟

且飾功過無實為民屏捍民亦莫知所為生無久長計嗟乎
厄苦矣余嘗希美必賢有司者出斯能為民樹屏障修戰守
備不然民間豪傑亦宜有激義奮勵守境土者乃始見烈士
王公天按烈士韓沛字子大魏仁山居士永嘉英橋里人
狀貌端奇個儻有大畧抗厲希古人風敦行孝友友又
好義務趨人之急里閭事身先為之亡憚費財力人人稱王
仁山王仁山云始壬子倭寇掠永嘉人卒莫為備烈士公羣
鄉人諭之曰羣盜羈海隅為姦利非有戰勝殊莫乘不備為
亂且吾鄉人千餘家亦練兵簡健士明訓約慎固厄塞鄉自

為守足為雄鎮抑令賊知犄角絕窺伺我郡豈真一隅丘墓
計耶眾唯唯如戒命又與族子僉憲君德協義為民望日夜
謀所以備寇者五都人數歲時以無恐...

案王汝修先生事蹟互詳於侯一元僉憲東華公傳及吳
郡王世貞東華王公墓表吉水羅洪先東華王公墓誌銘
東華者先生讀書郡城華蓋山之東時所自號也

春寇自江口港入登劫平陽岑城錢倉徑口麻園擄掠男女三
月掠樂清黃華括蒼勇士三十六人死之

夏四月六日寇入沙角岐頭又有至瑞安白巖橋者男女乘船

避之不及殺死者填河屯於教場四五日不辭謝千戶被擄徐
指揮走避十六日後劫平陽九都江口擄婦女無數金盤備倭
把總夏先與戰射殲渠魁十餘人返其婦女賊轉至八都豐山
巖頭由江至塔下抵陽寨士巷儒林所在燒劫二十日賊船由
瑞安港至永嘉一都長沙乘划舫將登岸鄉兵赴水格而永
嘉王氏義兵亦集寇乃遁去

五月初七日賊船十三隻抵瑞安東山浦登岸至十二都焚掠
新城鄉兵以木棍擊斃十人初十日又有自江口登犯崩門岐
頭等處者入坡南陞至瞭高山下瑞安所百戶李瀚高良與戰

死縣城危急知縣劉畿固守之會夏光馳至總城而入以藥傳
箭鏃射賊賊退泊東山港圍始解時有夏光箭之名

明史十八世宗紀嘉靖三十一年夏四月丙子倭寇浙江

明通鑑六十嘉靖三十一年夏四月丙子倭寇浙江大掠舟

山象山等處後登岸流劫溫台甯紹間浙東騷動

萬歷温州府志十八雜志倭變嘉靖三十一年三月倭登黃

華勇士某某等三十六人接戰死之勇士括人驍雄甚衣楮甲

用鐵搗與倭遇即前突之會淫霖不止甲濤又兵寡不能勝

欲少退擇利顧橋已斷矣蓋土人畏倭以勇士委之也倭凡

數百尾勇士勇士行自如迫則舉搗反擊之倭走復來如是者數四終莫敢^近勇士乃從壞渡壞崩括人不善水遂沉水中倭從而射之良久死矣 四月倭劫平陽塔城前倉掠男女^後劫九都江口官兵與戰不利賊益恣遂至八都豐山巖頭由江口至塔下抵陽畧仕巷所在燒劫縣儒學初構幾燬廿日大倭船二隻由瑞安港至永嘉一都長沙乘划舫將登岸鄉兵赴水格鬪既而王氏義兵亦集倭收眾登舟去 五月初七夜倭船一十三隻抵瑞安東大浦登十二都焚掠新城鄉兵以木棍擊殺數十人官軍大出合擊之賊勢窘值大

雷雨乃退

又九治行志郡良吏夏光字明卿温州衛指揮僉事疏勇善騎射為金盤備倭把總嘉靖壬子倭犯平陽掠婦女無數光追射殲渠魁十餘人返其婦女賊又泊瑞安城幾不守米馳至絕城而入以藥傳箭鏃射賊賊中箭者拔其鏃觀曰此夏光箭也知必死所至聞風而解

光緒永嘉縣志十大人物志忠義傳夏光擢浙江備倭署都指揮益日感奮書赤心報國四字署^其齋

光緒樂清縣志十四嘉靖三十一年夏四月六日倭入沙

南歧頭轉掠太平境

嘉靖瑞安縣志四職官志武職瑞安所百戶李旺直隸揚州府江都縣人李翰嘉靖三十一年海寇犯境率兵捍禦死之高大直隸揚州府儀真縣人高嘉靖三十一年海寇犯境率兵捍禦死之

民國平陽縣志十八武衛志兵事嘉靖三十一年春海寇登岸登城錢倉徑口麻園擄掠男女夏四月後九都江口把總夏光與戰不利賊益盛遂至八都豐山巖頭塔下陽奧各處直抵仕巷儒林所在燒時儒學方葺修幾為所燬

籌海圖編五浙江倭變紀嘉靖三十一年五月攻瑞安縣百戶李潮高良戰死初十日賊自江口登犯巖門歧頭等處入坡南雁至瞭高山下潮等與戰死之遂乘勝攻縣城把總夏光知縣劉畿率官兵擊卻之賊乃退泊東山港

又浙江事宜海港守備江口水寨嘉靖三十一年倭犯平陽前倉徑口麻園等地從本港入

又八寇踪分合始末圖譜鄧文俊林碧川沈南山屯日本楊哥嘉靖三十一年四月八寇五月攻瑞安

岐海環談九嘉靖三十一年倭至黃華斗門縱火擄掠殺死

處州官兵四十五人四月至瑞安白巖橋男女乘船避之不
及殺死者填河屯於^教場四五日不解仍擄去謝千戶索銀
贖還指揮徐世^贖時營水寨避于某寺天花板夏光與戰奪
回所俘婦女四月十六日海寇登剗平陽聲息甚熾至五
月初七夜賊艘一十三隻乘潮抵東大浦登十三都地焚掠
至新城鄉兵以木棍擊死數人次日官兵大出與把總夏光
兵合擊賊勢已窘^局值大雷雨遂遁平陽縣自嘉靖壬子
海寇進劫麥城錢倉擄掠男女夏四月^復登九都江口把總
夏光與戰不利賊益盛至八都豐山巖頭由江口至塔下抵

陽巖仕巷儒林所在燒劫時傳學初成幾燬

讀史方輿紀要九十四東山寨東為東山港嘉靖三十一年
倭寇由江口登犯嶺門岐頭入坡南匯至瞭高山下敗官軍
遂攻縣城官軍擊卻之^長泊東山港即此平陽縣江口關
縣南二十五里下臨橫陽江為往來衝要又有江口水寨在
縣南金鄉衛南至舣船炎亭北至瑞安飛雲鳳凰皆其哨
探處也

案瑞安所百戶李瀚籌海圖編卷五浙江倭變紀及卷十

遇難^節考並作李潮與各志不合又案清^源一源集卷

二瑞安陳天寵客路述懷詩清泉路憶往時經殷富人家

漢五陵兵燹以來重過此敗垣無主蔓寒藤白注嘉靖壬

子倭寇清泉鄉讀此詩可以想見鄉村間亂後蕭條景象

矣

秋七月後以都御史巡視浙江下設溫台甯紹等處參將未幾

又改巡視為巡撫徵狼土兵及募溫台諸下邑築點少年分隸

諸將任防禦

明史十八世宗紀嘉靖三十一年秋七月壬寅以倭警命山

東巡撫都御史王忬巡視浙江

又七十三職官志浙江巡視三十一年復設

又二百四王忬傳嘉靖三十一年出撫山東甫三月以浙江

倭寇亟命忬提督軍務巡視浙江及福興漳泉四府先後上

方畧十二事任參將俞大猷克湯寬又奏釋參將尹鳳盧鑑

擊

明通鑑六十自朱納羅後巡撫並巡視官不設者四年倭患

益熾於是給事中王國楨御史朱瑞登交章言海氛不靖自

裁革巡視後三省軍民無所鈐轄雖設有海道副使而權輕

不便行事往往狼狽失職請復設都御史使吏部議既設巡

視必當兼總督巡撫使之節制諸軍方可責其成功上從其
言且令暫復巡視遂以命悖

明史紀事本末五十五沿海倭亂悖巡撫山東聞命即日至

浙度所治軍府皆草創而浙人^素脆不任戰所受簡書輕不

足督率吏士乃上疏請假事權誅嘗得便宜且欲嚴內應之

律寬損傷之條勦撫勿拘從之改巡視為巡撫徵狼土諸

兵及募溫台諸下邑桀黠少年分隸諸將希列瀕海各鎮堡

嚴督防禦浙人恃以無恐云

雍正浙江通志九十兵制志引明實錄王忬提督軍務巡視

浙江仍勅許便宜調發兵糧臨陣按軍法從事巡按御史

毋得干預阻撓賊中脅從願降不得一槩軍殺濫及無辜於

是兼設分府參將各一員不賦督留中司官指撥各事湯克寬為之以瓊崖參將署都指揮僉事俞天

猷溫台竄紹等處寬福興漳泉等處俱聽悖節制

時嘗紹台溫海防廢弛

明史三百二十二日本傳明初溫海要地建衛所設戰船董

以都司巡視副使等官控制周密承平船敝伍虛及遇警

乃募漁船以資哨守兵非^素練船非專業見寇舶至輒望風

逃匿而上又無統率御之以故賊帆所指無不殘破

雍正浙江通志九十五海防志引明實錄嘉靖三十一年八月巡按浙江御史林應箕疏言浙江甯紹台溫地濱大海盜賊出沒之藪國初建衛所四十有一戰船四百三十有九童總督備倭都司巡視海道副使等官^議制至為周密後以海波不驚戒備漸弛伍籍日^虛棧^折而官船廢矣嘉靖二十七年都御史朱紉^議招福清捕盜船隻勦治有效因量留福船四十餘隻給與行糧使分泊海濱常川防守^{此年}所憑恃者此耳

十一月寇夜劫樂清水坑壯士趙連死難巡視王忬次窰畧聞之怒杖殺守禦龐指揮

萬歷温州府志十八雜志倭變嘉靖三十一年十一月倭夜劫水坑壯士趙連搏戰死都御史王忬次窰畧聞之怒杖殺守禦龐指揮

隆慶樂清縣志七志餘紀亂嘉靖三十一年十一月倭寇水坑義民趙連死之倭夜至水坑趙連轉戰死時都御史王忬巡至窰畧聞之杖殺守禦龐指揮

二谷山人閒居集趙烈士傳嘉靖壬子賊連倭夷劫海上所

至我士鼠竄公私狼狽莫有死綏膺賊者賊扭勝益深遂燒

黃巖轉不不復制樂東鄙水坑趙氏者世家也賊以巨艦一

夕至至其聚趙之士女或或或賊賊既其其皆皆方整居放

兵四劫凡趙氏豪傑素稱驍健者皆走居喙息草間無敢出

氣夫不浪趙氏烈士蹶興迺趙君連者聞難則辟妻其他所已

乃大呼持挺出擊連仆數賊顧呼其子弟曰勿走賊易與爾

又前更擊遂突入其陣意氣厲厲賊走且僇盡釋係累委鹵

獲道上以餌追者後援不繼一賊出刃刃鏃君以傷傷股股悶悶

絕然賊亦破膽逆逸趙子弟緣君而奮五人斃斃盤傳定相相

與尾擊乘勝逐賊及舟迺返是日斬斬獲獲首虜賊賊扶傷而歸

死者無算子女之俘取之賊手課義疇勲君為最焉君既輿

歸其家猶呼其左右曰賊可擊也盍掖我以從賊復起行數

十百步距躍高岸困頭迺還且死家人而而哭之君張目曰

勿哭人百年會有一死吾今者脫嬰孺於屠剝免女婦於僇

辱不鹹先世之宇不預家聲吾則有以死矣語卒迺絕

維時大中丞王公聞而賞之曰嗟嗟烈士哉介冑之士有餘

忸矣

案乾隆府志十七職官志有磐石衛指揮僉事麻瑞協而

無麻慕之名又歧海環談九作指揮麻某是則某字係

某字傳寫之誤也

時浙江參將湯克寬追黃華之寇與戰於下馬洋大敗之

明史二百十二湯克寬傳嘉靖中克浙江參將

籌海圖編五浙江倭變紀嘉靖三十一年十一月參將湯克

寬追擊賊於下馬洋大敗之擒賊首鄧文俊等 十二日克

寬統兵追黃華之賊與戰於下馬海洋越三日復戰遂擒文

俊以歸

讀史方輿紀要九十四樂清縣黃華水寨黃華之外為下

馬洋嘉靖三十二年參將湯克寬追黃華賊戰於下馬海洋

是也

案方輿紀要作三十二年道光樂清縣志輿地志黃華山

下引省志亦同茲從籌海圖編

是年賊嘗由梁灣犯樂清之石馬浦岐及浦岐所轄之後塘

高嵩下堡等處因設黃華閩總哨官率舟師泊梁灣以禦之

雍正浙江通志九十八海防志黃華關在磐石衛東三十里

總哨官一員部領哨官一員船一十九隻兵四百二十名

汛期屯泊梁灣海洋哨守橫坎門石河雙排大鹿分水楚門

游一帶與台州塔山哨下接東洛游兵哨南接飛雲閩各官

兵支相會哨專樹樂清磐石後蒲窰村一帶地方

康熙温州府志十四兵防志明兵制水關黃華關在樂清縣

地方設總哨官一員哨官一員帶領民捕船兵二百五十五

名軍隊船兵二百七十六名大小戰船二十一隻泊梁灣海

洋

光緒玉環廳志八軍政志海防引兩浙海防類考嘉靖三十

一年賊船泊梁灣突犯樂清石碼蒲岐下保等處冰黃華關

總哨官一員部領兵船二十一隻哨禦北與台州塔山南與

飛雲關總哨東與中游總哨各兵船會哨

籌海圖編五浙江事宜後塘寨嘉靖三十一年賊嘗登

犯高嵩寨嘉靖壬子等年賊嘗登犯

讀史方輿紀要九十四樂清縣石馬鎮縣南五里石馬山下

嘉靖三十一年倭賊由此登犯官軍禦卻之

天下郡國利書八十八浙江黃華關原係水寨冰磐石

衛官軍防守嘉靖三十一年改設總哨官

又派哨官屯守靈門港

光緒玉環廳志一輿地志海港靈門港在十六都

又引海防類考東接海中難瞻山與松門港接壤南接楚門

洋坑下接銅礁山明嘉靖壬子等歲倭犯境派哨官部領兵
船屯泊於此

樂清有王華者與同族婦女數十人避難他往賊望見逐之眾
大窘其僕人金養慶之曰主第走養能捍之即扼橋格賊白刃
如林獨以挺出入死鬪良久始仆而主人去遠得免

隆慶樂清縣志六人物志

案志文云嘉靖中不詳年月茲以光緒樂清縣志人物傳
以金養與趙運前後相接因即編入是年

樂清連築邑城東西南三面

隆慶樂清縣志一壤地志城池：正德間林知縣有年始置
六門以民壯守之嘉靖壬子倭大入黃巖以無城故於是王
都御史忬龔知府秉德躬相地命楊知縣鑰城之明如國初
而純以石東西及塔山之址南拓之至於三橋高凡二丈四
尺址厚二丈二尺其門三當溪為洞橋為水門而翼以四寨
曰疊巖曰鯉池曰大巖頭曰花山守稍備矣

二谷山人北征集城樂清縣碑：吾樂負山瀕海自昔無城
國初因山為險城其南偏其後也水麗之則城壘石衛以為
外城而邑之城遂廢永樂間倭寇至西以師綴衛而濬師入

邑於是又城後所以為外城塞邑之南屯戍基峙累葉巽然
城之力也然國家之制常大治舟艦斥遠水塞寇來與決海
上不以及城豈區區畫地守哉兵既久戢船塞一切不治厓
厓城守寇狎勿畏於是諸屯戍不復為邑用而邑城始議矣
嘉靖壬子寇縱劫海上邑人騷然無藩籬之固邑侯楊君鏞
日帥壯士暮夜號戎於郊外露居蓐食民保其慈寇畏其整
邑以無事御史林公應箕過而嘉之既而曰勞矣盡城諸乎
城必周迺按驛得前令歐陽君之議議如國初而稍斥其南
以紓水患民使之而或虞其弗周也議久之不決於是大中

五王公悌提兵至曰因地之險仍古之制從民之便可弗務
乎迺與守巡顧公問公嶠巡海李文進暨郡伯龔公秉
德倅黃侯釗何侯洛熊侯梅上下原隰周爰咨諏而我楊侯
以從事遂以其年某月經始明年某月告成……

又適園集築城利病議……今聞明廷議築四面之城兼防山
海之寇……但城之三面或在山下或在山腰既不利於禦寇
而城之南^面局於小河地勢窄狹^復不利於水道若^復不備條
上^復違將來貽患不少……一曰地勢城止數仞山高百倍外高
內下攻便守難登山臨城虛實畢見且建^復之勢乘高^復石

石可當乎不煩雲梯不築土山而已憑陵城上矣雖有壯夫

乘城如從阱中仰首于賊形格勢禁殆難支也二曰城址山

土鬆虛難施版築山水浸灌不攻自壞從上排下勢必內崩

方憂城之不立而何以禦賊乎蓋跨山之城必其地險而勢固

內高外下而後版築可施緩急可守也三曰兵勢兵法據高

者勝今生地在外死地在內勢固不便舍城守山力又不及

如今山不能守退而保城則破竹之形成而守城之勢蹙矣

四曰致寇今山下之城人人知其危道令賊聞之必且生心

昔桓溫過峴首而喜周亞夫絕成皋而勝鄧艾已入陰平之

險則成都之城不復固狄青已入崑崙關則邕州之城不復

守蓋天地自然之險既失則人力無所復施安知賊無知兵

覬覦者乎五曰水患兩溪之水東溪尤惡散漫平野猶有漂

沒今若築城其衝雖復多鑿水門而洶湧暴漲之水難同常

流其勢必壅城外城遭浸灌理必傾頽川壅而潰其暴怒衝

激之勢可勝言哉是倭夷起於門庭而寇賊接路也南城迫

隘勢亦如是持今雖不能修就後所為城亦宜循文昌橋東

西故道非特水有所泄抑且民有所歸而坐自感迫民且為

魚矣六曰工費今循故議築文昌橋東西為城所費不過數

千兩若築山下三面帶當四倍又當塹山填谷假令盡出家
家羨餘猶恐虛費可惜況銖兩以上皆出於民窮民無聊既
多帶帶而又無益不惟無益而又有損民命不保城誰與守
七曰城塲今南局小河似省鑿濠之費不知築城制度外
石中土土之所取便自成濠故曰城復于隍城之土本隍之
土也今因仍小河則築城之土又當遠輸有分外之費矣且
倚山之城又將何以為之濠乎八曰民惰今山下之城試質
之通邑士民殆無一人以為便者豈自國初以來湯信國
焦侍郎諸公皆無一人及此者乎竊以一面之城雖若非

制而天下郡國亦未有三面崇山如本縣者也吾誠因山
設險一夫當關萬夫莫開况寇自海來山行數十里曳甲登
頓氣已索矣吾升高瞭遠虜在目中乘高設伏以逸待勞是
坐而折筭之寇必不為也故為寇者與其山行數十里以攻
有備之關隘則窺方軌臨衝以攻數仞之城堡蓋國者有天
造地設之險不能守則又安能以數仞之城禦敵哉聞有守
城而陷者矣未聞有守險而敗者也賊能設伏於山谿獨不
能設伏於城內乎亦視夫有備無備何如耳

瑞安修築邑城復增建沙城於沿江東西

嘉靖瑞安縣志二建置志城池嘉靖壬子邑令劉畿為海

防事有傾圮者重加修築窩鋪舊用板木今悉砌以磚石增

設瞭望臺其二水門舊用木柵今用鐵葉葉門易之周圍

一千一百四十丈高一丈七尺面濶八尺趾濶一丈二尺廣

三百一十四丈袤三百一十三丈石瞭望臺四十四

又沙城在沿江東西自教場頭起至東山巡檢司止西自

峴山趾起至上河埭止延袤一十餘里民居稠密舊時惟塘

岸一帶外皆坦塗寇至隨處可登實係衝要嘉靖壬子邑令

劉畿為海防事募民掘河聚泥雜沙礮為城復砌以石六寨

門六座主簿王績光典史李倬祿實童成之復分兵壯給器

械以守諸寨由是沿海之民恃以無恐而各安厥居焉東

長一千二百丈高一丈趾濶一丈四長一千七百丈高一丈

趾濶一丈二尺面濶六尺埭牆高三尺東寨門四座司前

寨中頭寨巖前寨五杜寨西寨門二座西埭寨上河寨濠

河在東塘下舊有小河一帶歲久淤塞邑今劉畿因築沙城

募民開墾遂自教場頭起至巡檢司止延紆十里長一千四

百餘丈濶三丈深一丈五尺自是外塘內城而防閑益密海

寇不敢犯

案鈔本嘉靖縣志九藝文志有蔡琳增築沙城記文字殘
缺過多無可遺錄

瑞安壺山獅巖築寨壁

乾隆瑞安縣志九藝文志政治類奉激壺山獅巖寨壁記邑

嘉興鄉壺山去城西一百八十里許在山谷間其地寬廣里人

繁聚於中儉而勤穡穀粟錢帛所萃惟密邇閭括每鑿徒竊

發海寇縱橫必覲盤據焉里人患之因地有獅巖山雄踞溪

許道隘不可登先是上有古觀一所可以避寇民恃為險正

統戊辰閏拾寇千餘入境不能害而去承平日久觀圯址存

歲嘉靖壬子海寇登叔遠邇震驚我邑侯吳門劉公先事築

城開濠制械練卒以防不測迨寇至被劄乃道內備既修下

令鄉都俾各編保伍設險防御莫不仰承德意舉行惟恪于

是訪厥觀址將營壘壁愚民惜費沮之父老胡文軒輩遂

計費出貲以勞先人里中感悅率力來偕時邑丞雙山趙侯

以公務入境捐俸助之不數月而壁成約高二丈址濶一丈

五尺面濶九尺東西若干步南北若干步中為寨房二十餘

區告竣于邑令題其扁曰獅巖寨……

瑞安修葺縣治左右庫收貯軍器又重新把總舊廳

嘉靖瑞安縣志二建置志公署嘉靖壬子邑令劉畿修左
右庫貯軍器

又各所署瑞安千戶所把總公署在千戶所東嘉靖壬子邑
令劉畿為海防事復新之

設六兵防志預備器械俱邑令劉畿製造於本縣庫收貯
設都察院行署於瑞安置志

康熙瑞安縣志二建置志上司行署都察院在儒學西即舊
按察司嘉靖壬子因海防事添設提督浙閩軍務總憲經駐
劉令畿改建增拓之

瑞安知縣劉畿建議禦倭戰守計畫五條一議防守二議水戰
三議戰船四議策應五議器械時寇退匿南岬山畿其後
督兵船勦之

嘉靖瑞安縣志六兵防志嘉靖壬子海寇猖獗邑令劉畿建

議區畫以次舉行其略為左一議防守大要以修城垣沒

濠河為急邑城歲久傾圮已經估計修理其本城五門東自

小東門至北門皆已開濬濠河惟西南二門離江不過二丈

難以濬濬賊易登岸最為險要之地於二門城樓多設佛狼

機銃及礮弩石塊等物但自小東門教場內起至東山海口

止約長九里切大江民居稠密合將舊濠開濬濬三丈深

一丈五尺就將前泥於沿河北岸築成土堤遍植楊柳棘刺

於其上每里建堡一所設民兵四十餘人多置鉛礮石塊使

之據堡臨河而守庶沿江之民得以安居樂業坐保無虞矣

一議水戰以昔水寨之立皆有深意瑞安所海口則立飛雲

水寨樂清縣海口則立黃華水寨平陽縣海口則立江口水

寨樂清縣之北有蒲岐所海口與台州府界則立白岩塘

水寨平陽縣之南有蒲門所海口與福甯州界則立鎮下

門水寨每寨俱有戰船三四十艘統領之以水寨指揮分領

之以出海千百戶瑞安界在兩縣兩所之間道里適均謂之

中軍水寨則立把總衙門於此以統攝之每日分布海口操

習水戰如其有警巡哨海外阻遏賊兵如其猖獗則調集

諸寨併力攻勦此立法之意甚善也但戰船一而水寨出

海官軍虛設矣故莫若修復戰船慎選出海之官以統

領立水寨公署以屯劄此乃今之急務也一議戰船大要

海患之除必復海船之制查得先年出海戰船官軍之哨每

於海島搜邏故賊船無停泊之處無侵擾之害後因

增建陸路臺寨遂停造出海戰船殊不知此二事不可廢

者也夫有戰船以防海有臺寨以防陸水陸相守誠經久不拔之計也今東山海口北岸有瑞安所官軍南岸有沙園所官軍誠使三所各有戰船相對而守其海安所在東山之北亦駕海船數十艘以遙應之仍於江口立一水寨公廨令指揮住劄於此統三所之船時常演習水戰無事則停泊

江口以壯其形勢如其有警則巡哨海外以制其出入瑞安可以安枕而卧矣及查造船之費各縣原有戰船銀兩每歲於丁田內徵解本府貯庫其造船之制亦有定額成案可考但監造之人必委廉能官員以責成之毋令木板柔脆工作

苟且以滋虛費一議策應本縣海口南有沙園所北有海

安所而瑞安所則在本縣城內其三所官軍悉屬水寨指揮統領在於海口操習水戰詳其立所之意專為本縣設也合

無令海安沙園二所倘遇本縣有警即行發兵策應如二所

有警亦合飛報本縣及瑞安所為之應援如有坐視遷延者

重加參究庶官軍知警而地方有備矣然隣近縣所如有唇

齒之誼亦合自相應援以成犄角之勢若待申報上司行牌

調遣則事無及矣官嚴行各縣今後凡遇隣縣警報不必候

牌調遣即行發兵赴援如有擁兵自衛不恤鄰患者量加處

治以警將來 一議器械器械不利以卒予敵瑞安所前貯
軍器年久類不堪應用見造火藥鉛銃備火攻之法遂口
修合試驗俱口可用其弓弩藥矢及濶斧短鎗竹牌皮甲之
類俱不可少竹牌皮甲可以禦銃且舉動輕便而濶斧短鎗
尤易於接戰近因倭寇登岸曾用藥矢射之賊中矢者輒斃
眉捧首疾趨而斃合無令官軍成造以濟實用

康熙温州府志十八名宦志劉畿字朝宗

康熙瑞安縣志四職官志名宦傳劉畿字子京號羽泉直隸
長洲人由進士嘉靖三十年任知縣嚴明精練應變若神下

車初沙園所有立鎮之議上司業 武弁請畿詢耆老廉知

其害遂力疏不可狀議得上時承平久防禦廢弛適倭寇至

乃晝夜戒嚴製兵器築沙城募義勇寇薄城下躬 矢石督

戰寇遁去匿南岫山復虞其竊發親督兵船往勦之民獲安

堵為令五載清備均役修學舍建經史閣射圃止齋祠心極

書院觀潮亭購刻卓忠貞遺稿又疏天井洋水利百廢具舉

尋內召補諫垣以防海餘銀五百兩留供修城之費歷陞都

御史督撫浙直及巡甌因民請復治官塘又建梅頭堡重疏

天井洋河邑民立祠治東與王公祠並列額曰雙愛復立祠

仙巖

案鈔本嘉靖瑞安志所載劉今議禦倭戡守計畫闕文甚多茲檢康熙乾隆嘉慶諸志參合修補又案石本劉公去思祠碑記邑人黃思親撰奉激書所叙劉公政績較志傳為詳

嘉靖三十二年癸丑一五五三
二二二三

春間寇犯温州湯克寬擊敗之於長沙灣克寬復與溫台甯紹參將俞大猷追搆烈港穴賊移巢馬蹟潭又搆之賊乃轉而北犯於是蔓延他省至數千里

明史十八世宗紀嘉靖三十二年二月甲子倭犯温州 閏

三月海賊汪直糾倭寇瀕海諸郡至六月始去

又二百十二俞大猷傳大猷字志輔晉江人嘉靖三十一

年倭賊大擾浙東詔移大猷甯台諸郡參將湯克寬傳倭

犯温州克寬擊敗之

又三百二十二日本傳大奸若汪直徐海陳東麻葉輩

悉還海島為主謀倭聽指擅誘之入寇海中巨盜遂襲倭服

飾旂號並分艘掠內地無不大利故倭患日劇 三十二年

三月汪直勾諸倭大舉入寇連艦數百蔽海而至浙東西江

南北濱海數千里同時告警

王氏明史稿六十九兵志以俞大猷為溫台甯紹參將

明紀三十四世宗紀嘉靖三十二年二月甲子倭犯溫州參

將湯克寬擊敗之

明通鑑六十嘉靖三十二年二月丙寅倭寇溫州參將湯克

寬等帥舟師破之俘十一人斬獲二十八級 攷異明史本

紀作是月甲子史稿作丙寅與實錄同 倭自閏三月登岸

至六月中溫台甯紹杭嘉蘇湖揚淮十郡各州縣衛所被其

攻破焚掠者凡二十餘留內地三月飽而去

明史紀事本末五十五沿海倭亂嘉靖三十二年春三月王

師破倭於普陀諸山 倭魁汪直等結岩海中普陀諸山時

出近洋襲官軍師偵知之乃夜遣俞大猷帥銳兵先發而湯

克寬以巨艘佐之徑趨其砦縱火焚之倭倉皇覓餘艘走官

軍隨擊大破之 夏四月汪直毛海峯既潰散剽忽往來不

可測溫台甯紹俱罹其患參將湯克寬率兵循海埂護城堡

捕奔軼斬獲亦相當於是賊移舟而北犯蘓松郡

籌海圖編五浙江倭變紀嘉靖三十二年閏三月官兵追擄

烈港賊巢王直敗走

烈港地形曲折賊負固盤據卒難進

勦都御史王公序躬至温州閱圖審形謂兵船雖多難以直
馳乃令參將俞大猷湯克寬分為二哨部署既定大猷由列
表門進以當其前克寬由西後門進以防其逸謂賊一出則
一哨可以追勦不動亦可以全制也至是大猷募熟諳山脉
徑路之人俟得善潛入賊營期以十一日舉火為號而自移
營本寨拒賊築止隔一山分遣把總張四維屯龍山黎秀屯
甯巖遙為聲援夜四鼓俟得等縱火賊營烟燄蔽天官兵乘
之賊營奔爭舟死者無算乃大敗走直率精銳潰圍而去泊
馬蹟潭 四月官兵追勦馬蹟潭王直敗之

又八寇踪分合始末圖譜嘉靖三十二年閏三月列表為俞
大猷所破王直走泊馬蹟潭 馬蹟軍後為參將湯克寬所
破敗走白馬廟 往日本 屯松浦

讀史方輿紀要九十四温州府長沙寨亦曰長沙灣嘉靖
三十二年參將湯克寬敗倭於此

五月十三日賊船入瑞安飛雲江途次為巡檢胡滿所拒而返

康熙瑞安縣志十雜志災變嘉靖三十二年夏五月倭寇入
飛雲江巡檢胡滿帶弓兵拒之

岐海瑣談集九嘉靖三十二年夏五月十三日寇船三隻飛

早潮入港時沙城新築外濠復深賊類難越仍恐伏兵適巡
檢胡滿先率弓兵拒於途次乃過去

寇嘗登犯前後固

籌海圖編五浙江事宜海安所所屬

前後固嘉

靖

嘉嘉靖五等年賊嘗登犯

嘉靖後固兩山之墟其地土居曰樓兒集舊志山川光載

六月言官有上禦倭方畧者主張調用溫處兵

雍正浙江通志九十兵制志引明實錄嘉靖三十二年六月

南京御史趙震上禦倭方畧言一宜行各府州縣隨官招募

使人自為戰畧自為守一各該管官軍嚴加選汰一捍海

塘宜雜植荆棘勅兵防守一募土人習水者為篙師有力者

為卒仍調溫處兵或山東長手有警則隨機策應無事

則分頭教習兵部議覆多採行之

七月巡視復改巡撫

談遷國權嘉靖三十二年七月甲子改王忬提叔黨務兼巡

撫浙江福建

是年寇嘗至平陽蒲門里中樵者陳老率同樵四五人當山徑

壘石設防賊至挺斧斫之以眾寡不敵遇害而城中得報固守

竟賴以全因於速處立廟祀之相傳稱後英神廟

民國平陽縣志十八武衛志兵事引蒲門志嘉靖三十二年
癸丑倭寇蒲門

又四十五神教志神祀後莫廟在蒲門後營巷按後莫即後
營聲誤華釋為後來之莫望文生訓耳神本里人姓陳名老
又四十七神蹟列傳陳老招順鄉蒲門所人蒲城西南際嶺
與閩接壤嘉靖間倭寇颶風閩海捨舟登陸將踰嶺以剽蒲
鄉老適伐木山上見之念寇若[○]嶺勢不可當今幸未出險
扼而殲之一人力耳於是率同樵四五人當山徑峻絕處曩
石塞之而身隱其內賊至怒甚勢方洶洶老猝起大呼挺斧

奮斫賊皆錯愕披靡卒以眾寡不敵畏其元焉而城中得獲
人逸歸者報即登陴拒守倭力攻不克引去竟脫於禍於是
相與求老遺骸瘞於龍山之麓即其側立廟於後營巷祀之
另名曰後英言其後來之英豪也名其死敵處曰倭友坑

華文漪澤原齋文鈔一後英神廟傳神姓陳氏諱老吾里人
也前明嘉靖某年倭氛大作頻海之境尤被其毒蒲城西南
際嶺橫[○]數里與閩接壤一日倭颶風閩海捨舟登陸將踰
嶺以剽吾里神時適伐木山上見之念寇若[○]嶺則勢不可
當里中人必無噍類今幸未出險扼而殲之一人力耳

斧奮斫賊皆錯愕披靡卒以眾寡不敵喪其元焉瘞於龍山之麓卽其側立廟祀之名曰後英言其為後來之英豪也嗚呼神之死可謂壯矣明至中業兵備廢弛武弁多怯不任戰往往遇賊輒逃而寇鋒益張一時封疆之臣方且擁兵觀望縮胸沮沮以釀成其禍故東南數千里地蹂躪楚掠之慘蔓延數歲而不克殄使神得提一旅之師為國效命吾知其身先士卒摧鋒制勝必能與俞戚諸公爭烈矣而顧止於此也豈不深可歎哉神之事蹟不載於邑乘獨故老能傳述之至謂其方死時不自知戴頭歸問其母始悟而墜其說頗

怪誕予嘗疑之近見里人項某三蒲綜核一冊紀神事極詳項君為崇禎時諸生與神世祖去不遠其言宜可信

案陳老死事年月未詳茲以是年蒲門有寇警姑繫焉又右錄華萊園所為傳文一人力耳句下及喪其元焉句下所刊節者並與平志神蹟傳文同故不重錄蓋志傳即據華集修惟遇神字皆易作老耳

瑞安海安沙壩三所官軍與本縣民兵舉行水陸會操

嘉靖瑞安縣志六兵防志瑞安所教場下附知縣劉畿會操

議節略本所教場係三所會操之地近因軍政廢弛操備亦

懈嘉靖癸丑邑令劉繼議得國初設立海安沙圍二所對峙
飛雲海口正以禦海寇入江保衛瑞安也瑞安不顧二所是
自撤其門戶二所不顧瑞安是自絕其本根皆屬失律所關
匪細近蒙兵備道行委指揮郝萬統領三所隨征驍兵以時
操練正為三所互相策應之計非專為瑞安也聞各所尚未
諳遣想不知此意或慮該所空虛耳今本縣會議每月逢七
之期會同守禦指揮水寨指揮及三所掌印操備出海等官
督率軍舍驍兵與本縣民壯義勇弓兵在於飛雲教場操演
陸戰逢八之期分駕戰船在於飛雲港次操演水戰分別等

第賞搗以示勸懲擇自本年四月二十七日為始本縣會同
三所官軍起操致祭旗幟之神故血立誓有警則互相應策
餘日則分守防禦此本國初設立之法而亦今日軍門首行
之意也

瑞安新開塘下河面取土增築沿海沿江圩岸塘

嘉靖瑞安縣志一輿地志山川塘下河東自江南起至沙圍
城外止西自河頭起至寶香山止嘉靖三十二年為海防事
邑令劉繼議長計三千一百餘丈濶三文深一丈俱

去城南越江一十里

又二建置志津渡附塘沿海圩岸塘在城東沿海東經清泉
崇泰二鄉至梅頭圩長四十五里人自城南越江東經南社
鄉沿海至平陽縣砂塘陡門圩長二十餘里沿江圩岸塘
在城西沿江西經清泉集善二鄉至陶山圩長五十里自城
南越江西經張西鄉沿江至塘角三十里已上圩岸所係
甚重嘉靖壬子邑令劉畿為海防事俱於塘下浚河取土
增築塘岸不惟足以捍暴至之潮而又可以拒不測之寇矣
案右錄嘉靖瑞志卷一卷二之文一作嘉靖三十二年一
作嘉靖壬子康熙乾隆嘉慶各本則卷一塘下河條俱仍

作嘉靖三十二年而卷二沿海沿江圩岸塘條則刪畧嘉
靖壬子等語不載殆即以壬子年分為未合耶茲姑編入
是年

嘉靖三十三年甲寅

一五五四
二一四

夏特遣大臣總督六省討倭軍務而浙仍設巡撫

明史十八世宗紀嘉靖三十三年五月丁巳南京兵部尚書

張經總督軍務討倭

又七十三職官志總督浙江福建江南兼制江西軍務一員

嘉靖三十三年以倭犯林林以貴

又二百五張經傳命經解部務總督江南北浙江山東福建湖廣諸軍便宜行事經徵兩廣狼土兵聽用經日選將練兵以江浙山東兵屢敗欲俟狼土兵至用之

明通鑑六十嘉靖三十三年六月壬辰擢徐州兵備副使李天寵以僉都御史巡撫浙江代王忬也時上已命張經總督南直隸浙閩等凡六省專任勦倭事

明史紀事本末五十五沿海倭亂忬在浙江薦盧鏜釋柯喬激勵諸將登城劉堂孫教等爭奮逐北以死綏著節復廣為偵刺凡沿海大猾為倭內主者悉繫之按覆其家自是倭不

復知中國虛實與所從向往而餘艘在海中者亦無以菽粟火藥通往往食盡自遁又行視各郡邑未城者計寇緩急次第城之凡三十餘所忬去而浙復不寧矣

時有賊自黃華胡家洋移劫

岐海瑣談集九嘉靖三十二年夏倭自黃花胡家洋登劫燒燬長山鄭家後至有城殲于胡總制

六月寇犯金鄉指揮王希禹陳區擊敗之

籌海圖編五浙江倭變紀

冬寇又在黃華登岸

岐海瑣談集九嘉靖三十三年冬有倭八九十乘著占船一隻無桅舵以索繫石塊探水至甯村遇風送至黃華磐石衛軍覘知駕輕舟趕逐遂登岸

十月有自永嘉甯奧山登岸之賊入犯湖頭官兵擊敗之逃走

樂清越磐石嶺趨台州

隆慶樂清縣志七志餘紀亂嘉靖三十三年倭寇湖頭自水

嘉倪奧山登岸犯湖頭官兵擊敗之

光緒台州府志大事略三引台州外書嘉靖三十三年十月

又有自甯奧登岸流劫突溫州之湖頭遂走樂清越磐石嶺

趨台州黃巖

籌海圖編五浙江倭變紀嘉靖三十三年十月賊自甯奧登

劫突溫州之湖頭賊自湖頭之敗走樂清越磐石嶺趨台

州黃巖縣仙居

讀史方輿紀要九十四溫州府甯奧府東百餘里海防改倭

船南北往來多沿於此經達磐石衛城最為險要又南龍山

在奧東北倭賊由北洋來往往經此亦要地也

時百戶張耀戰死於湖頭指揮戴祀江九山千戶崔海鎮撫劉

或百戶易坎俱戰死於芙蓉

光緒永嘉縣志十六人物志忠義江九山傳據萬曆縣志江九山温州衛指揮嘉靖甲寅倭寇樂清大芙蓉鄉九山率兵往禦伏起死之

光緒樂清縣志七職官志武職明磐石衛指揮使戴祀嘉靖三十三年倭寇大芙蓉祀與温州衛指揮江九山往禦不克皆死之

籌海圖編五遇難殉節考嘉靖三十三年十月百戶張曜與賊戰於湖頭死之賊犯芙蓉海口指揮戴祀江九山千戶崔海鎮撫亂或百戶易坎死之

案戴江死難萬曆府志九治行志乾隆府志十八名官志隆慶樂清縣志七志餘紀亂並作嘉靖二十三年事康熙府志十八名官志作嘉靖三十二年事而道光樂清縣志二輿地志窰奧山下注嘉靖二十五年江九山等戰死茲以籌海圖編與光緒永嘉縣志所據萬曆縣志合從之光緒樂清縣志職官志既作三十三年而寇警志復作三十二年仍隆慶志之舊文不覺其自相歧悖矣又寇警志注

引康熙志稱三十三年寇經窰奧指揮范某等四人戰敗死之范某他書未見所謂四人者是否即牽連戴江等在

內亦所未喻也又萬歷康熙府志並稱崔海劉或嘉靖間
禦倭陣亡而乾隆村志則云海嘉靖戊午陣亡鎮撫劉或
俱死與籌海圖編年分不合至於百戶易坎籌海圖編五
浙江倭變紀作易坎似以坎字為是郡邑舊志各本皆未
見其人無從校定也

是年寇嘗犯瑞安之東山焚劫而去

王叔臬玉介園存稿十重修表忠祠記

其犯永嘉沙村者亦為官軍所敗

光緒永嘉縣志八武備志寨城沙村寨三十三年冬將湯克

寬敗倭於此東臨海塗地勢頗險

歸安茅坤嘗致書巡撫言温州柘木椀木多產易辦可作倣製
燕尾牌之用又言沿海郡縣所自部署勤習以為歲戍之兵必
於土著之中擇其膂力猛悍之士大約杭州三千嘉興三千而
溫台寧紹亦各二三千多寡以差其費當括十一郡縣民壯弓
兵之屬而通計之云

茅鹿門集二與李汲泉中丞議海寇事宜書

案籌海圖編五浙江事宜引茅云湖溫台寧紹亦各一二
千箇集本少異

朝命總會江南北浙東西水戰兵船一體守禦

續文獻通考一百三十二兵考嘉靖三十三年十二月命總

會南直隸浙江水戰兵船以禦倭寇兵部議總督軍務侍

郎張經疏言倭寇入擾其船必由海洋其來必由浙東請合

浙之東西江之南北各把總兵船為一體每總以其半為游

兵半為守兵倘賊入本總則併力截殺入他總則守兵固守

汎地而令游兵追捕喫他總互相策應詔允之

夏光戰歿於嘉興王江涇事聞詔建寔忠祠祀之

明史三百二十二日本傳嘉靖三十三年六月由吳江掠嘉

興還屯柘林縱橫往來若入無人之境

萬曆温州府志九治行志夏光傳嘉靖甲寅鎮守甯波賊大

擾嘉興軍門檄光合擊王家涇戰歿於河時年三十二事聞

詔建祠有司歲時致祭加世襲指揮使先是世宗聞光英勇

圖其像去人以為識云

又四祠祀志永嘉縣獲忠祠一在瑞安門內祀都指揮夏光

嘉靖三十一年禦倭於王江涇死之

案萬曆府志祠祀志文中三十一年一字三之誤乾隆永

嘉縣志十三祠祀志引舊志光緒永嘉縣志四建置志壇

廟引舊志並承譌襲誤不若康熙乾隆府志刪略年分之
得也猶為不失闕疑之美也

嘉靖三十四年乙卯一五五五
二一五

時浙中勦倭報捷而督撫易人諸軍解體寇勢復張

明史十八世宗紀嘉靖三十四年五月甲午總督侍郎張經

副總兵俞大猷擊倭於王江涇大破之 己酉逮張經下獄

冬十月庚寅殺張經及巡撫浙江副都御史李天寵

又三百二十二日本傳嘉靖三十三年是時倭以川沙

柘林為巢抄掠四出明年五月復合新倭突犯嘉興至王

江涇乃為經擊斬千九百餘級帝乃遣工部侍郎趙文華

督察軍情文華欽倒功罪諸軍盡解體經天寵並被逮代以

周琬胡宗憲踰月琬罷代以揚宣時賊勢蔓延江浙無不蹂

躪新倭來益眾益肆毒自焚其舟登岸劫掠

又二百五張經傳下詔逮經時三十四年五月也五月朔

倭突嘉興經遣參將盧鏜大猷克寬擊之合戰於王

江涇斬賊首一千九百餘級焚溺死者甚眾自軍興來稱戰

功第一給事中李用敬闕望雲等言王師大捷倭奪氣不宜

易帥帝大怒經既至備言進兵始末且言任總督半載前

後俘斬五千乞賜原宥帝終不納論死繫獄其年十月與巡撫李天寵俱斬天下之天寵巡撫浙江倭掠紹興城焉文華謗天寵嗜酒廢事帝遂除天寵名而擢宗憲以代代經者應城周琬衡水楊宜節制不行狼土兵肆焚掠東南民既苦倭復苦兵矣

通鑑綱目三編十四初文華經進兵經恐洩師期不以告文華怒劾經養寇失機疏方上經大破倭於王江涇文華攘其功謂已與巡按胡宗憲督師所致嚴嵩復從中搆之遂逮經下獄

明通鑑六十一初趙文華視師恃嚴嵩黨庇所至輒頤指大吏廣納文武賄賂時經方議徵兵大舉自以位在文華上心輕之巡按御史胡宗憲亦與經議軍事不協文華乃與之比而傾經

案籌海圖編卷五浙江倭變紀及卷九大捷考並稱是年四月胡宗憲破倭於王江涇而卷九平倭錄又載五月張經感倭于王江涇大破之紀述矛盾無可自掩其攘功之迹矣

朝議防守平陽港黃花澳等四處海口且修飭海舟聯比為踪

以備緩急

王氏明史稿六十九兵志南御史屠仲律言五事其防海口
云倭賊泛海來犯可設險防拒者自浙東西大江南數郡言
之入平陽港則近金鄉入黃花澳則近磐石而逼温州入海
門則越新河而寇台州入寧海關湖頭灣則窺象山定海而
瞰甯波入三江口則搖尾於紹興入蠶子門則垂涎於杭郡
入乍浦峽則流毒於嘉興入吳淞江則犯松江入劉家河七
了港則掠蘇州此時大勢也中間經行或潛於馬蹟山或
潛跡於大七洋及大小衢上下川故守平陽港拒黃華澳

海門之險則不得犯温台寒寧海關絕湖頭灣過三江之口
則不得窺寧台把蠶子門則不得近杭州防吳淞備劉家河
七了港揚威馬蹟大七洋大小衢上下川諸險則不得據蘇
松嘉興倘一處失守則蔓延各處何可以彼此分且賊長於
陸戰短於水鬪以船不敵而火器不備也謂宜飭沿海船大
小船百或五十聯為一艦募習水工領之而充以原額水
軍於諸海口量緩急置防此禦寇之長算也却是其議

業明史九十一兵志捕敘仲律此疏多刪略茲取橫雲原
稿彙錄較可得其詳焉又明史此段上文先言嘉靖二十

三年調撥山東民兵次及王江涇之捷而後叙到仲律上
奏蓋以十餘年間之事牽連書之而未一一著其年分也
前人或即以仲律所奏為二十三年事者誤矣明史紀事
本末卷五十五沿海倭亂及嘉靖末的平倭通錄文獻通考卷一百三十三百五十五倭寇
並此條繫於三十四年五月而三十五年倭再
檢實錄校之

樂清補築縣城所缺之北面於縣後山腰

隆慶樂清縣志一壤地志城池：歲乙卯又以一面未備將

周城之而當稍撤民居民譯於是兵道郡縣環視莫之能奪

地 迺即山址斬其土為之內視城也外視崇山下瞰夷者若平

讀史方輿紀要九十四縣後堡在縣城北嘉靖三十四年補

築縣城於山腰營築既而寇乘高下瞰城幾陷

溫州沿海衛所議添募民兵擇要設寨選民間稍知兵者充名
色把總

玉介園存稿十八溫州衛所及海防官制說：我國家肇建

之初遣信國公湯和按行海上經畧沿海各處要隘設立防

禦一時無暇詳審多於民居稍屯集原非要隘築為城池設

立官軍分管水路陸路巡哨等項民間田地起科徵稅歲供
官軍月糧承平日久悉為虛文官軍坐食民脂漫不知何所
事事及嘉靖甲寅乙卯歲倭寇突起海上官兵一無所用沿
海衛所城池相去要隘頗遠一時號召不前於是再議募兵
詳酌要隘去~~後~~設立寨柵防守又於民間田上科派練兵銀
兩以給兵餉視官兵月糧不啻倍之而督兵諸將又選民間
稍知兵者充為名色把總世官指揮千百戶等間一選用
於是永嘉凡有龍灣沙溝沙村長沙太平等寨

籌海圖編五折江事宜海岸設備龍灣寨東援甯村西捍村

治坐臨深水頗為險要見撥旗軍防守沙溝寨坐臨瀆

海賊可登犯見撥旗軍防守沙村寨北至甯村所東至海

見撥旗軍防守長沙寨在府東臨海塗地勢頗險見撥旗

軍防守已上俱甯村所轄

讀史方輿紀要九十四温州府龍灣寨府東三十里沙溝

寨在府東五十餘里稍西即甯村所逼近海口賊易登犯其

相近又有沙村溝長沙寨在府東甯村所東南太平寨

在府南六里

樂清乃有黃華山寨及沙角章鼻白沙岐頭後塘高下保等

籌海圖編五浙江事宜海岸設備黃華山寨西離水寨二里
先年賊嘗登犯極為衝要見撥旗軍瞭守外有水港兵船巡
哨沙角寨東臨大海界於黃華章奧之間；若突入腹裏
從^楚寨可至三條嶺抵樂清見撥旗軍防守已上俱磐石衛
所轄章奧寨在海濱賊船易登頗稱險要防禦慎固則東
衛塔頭西衛沿船南衛百華北衛長林倭舶雖至不敢犯
也見撥旗軍防守白沙寨東南濱海；乃水陸要害之道
也見撥旗軍防守已上俱樂清所轄後塘寨東南大海地

勢險要；其南為李寨西為清江渡北為雙陡寇若突入則
諸地悉受焚劫矣見撥旗軍防守高嵩寨為蒲岐門鎖鑰
東臨大海極為險要；若突入腹裏從楊婆橋可至長山地
方見撥旗軍防守下堡寨為蒲岐之南藩南臨大海頗為
險要見撥旗軍防守已上俱蒲岐所轄
讀史方輿紀要九十四樂清縣白沙寨在縣東五里有白沙
嶺為水陸要害；又東二里為白沙橋志云白沙嶺隘陸走
台境水通海島縣境之咽喉也章奧寨在縣西章奧山旁
近海口沙角寨在縣西二十五里沙角山下；由縣西十

里支奧至三條嶺有道徑抵縣城防禦為切 黃華山寨在水寨東二里其地有黃華山因名 岐頭寨在縣西南海防攷縣西四十里有白塔山其地謂之塔頭 又西南即岐頭也海舟經此必艤舟而後行謂之轉岐由摺疊奧而東北達於鹽洋即台州之松門寨 後塘寨亦在蒲岐所 有鴉渚堡嘉靖中置築小城戍守 高嵩些在縣東四十里高嵩山上 亦近蒲岐所 從梅邊橋而入運至長山窺樂清近郊亦險要也 下堡寨在蒲岐所南五里 其相近者又有婁奧亦備禦要地

瑞安乃有丁田前後岡東山上塢等寨及眉石南北寨

籌海圖編五浙江事宜海岸設備眉石北寨東至大海南會陌城寨西平陽所北會陞門極為衝要先年賊嘗經登犯若突腹裏從陌城可至前倉等地方又可通平陽坡南見撥旗軍防守江口港兵船於此往來哨守 眉石南寨東濱大洋鳳凰山畧一潮可至西抵僊口極為險要賊若突入腹裏從僊口可至平陽縣沙園所原設飛雲港戰船今併入江口港

往來巡哨見撥旗軍防守 俱屬沙園所 丁田前後崗三寨俱海安所所屬雖撥旗軍勦守然丁田地勢稍緩惟前後

崗俱臨深水極為險要。若突入腹裏可至溫州府城及瑞安縣。見有黃華港兵船往來巡哨。東山上塢二寨東西分峙。有犄角之勢。坐臨海濱極為險要。賊若自東山而入由九里可至府。自^上塢而入由丁田可至海安。見撥旗軍協守。讀史方輿紀要九十四瑞安縣丁田寨在縣東北海安所東相近。又有前後岡二寨。西北犯府城西犯瑞安為戍守要地。東山寨在海安所東北。又有上塢寨。眉石北隘在縣東南沙園所東。又眉石南寨亦在沙園所東南。

平陽乃有舩艘炎亭大漁壆小漁壆大獲小獲程^漢葛蒲洋輿

山平山陌城陸路汶路口等寨

民國平陽縣志六律置志廢城舩艘寨城在二十一都一名方城

籌海圖編五浙江事宜海岸設備舩艘寨東北皆濱於海倭

賊屢次於此登犯至前倉腹裏見撥旗軍防守 炎亭寨在

海濱賊若登犯突入腹裏從本衛城外可至平陽縣孫湖地

方見撥旗軍防守 大小漁壆二寨聯坐海濱極為衝要賊

入登犯若突入腹裏從本衛城外可至平陽縣南鹽場等處

地方見撥旗軍防守 小獲寨巽龜峰巡司相聯南臨海至

羊山一潮北枕山巡司逼臨海濱賊易登犯額設弓兵樓軍
防守已上四寨俱金鄉衛平陽所所轄皆係江口港兵船往
來巡哨程~~程~~寨南至海西抵鎮下門水寨頗為蒲門要隘
見撥旗軍防守葛蒲洋寨在海濱先年賊曾登犯見撥
旗軍防守已上三寨俱蒲門所所轄亦係江口港兵船往來
巡哨嶼山寨坐臨海口賊可登泊若於此突入西可犯天
仙南可犯雙峯北可犯後所勢難猝禦見撥旗軍防守平
山寨西接後所南接嶼山北接白沙為樂清唇齒若突入
腹裏南從石馬可至本縣白石等處見撥旗軍防守已上俱

後所所轄陌城陸路二寨東南濱海極為險要賊若自陌
城突入從豐山可通平陽城自路突入從江口港可至錢倉
等處見撥旗軍協守外港有兵船往來巡哨改路口寨東
臨海洋陽嶼門南以策應江口水寨北策應肩石南北二寨
地勢險要先年賊曾登犯平陽沙園二所撥軍協守
讀史方輿紀要九十四平陽縣船艦寨在縣東南八十里
又有船艦堡及巡司戍守志船艦巡司亦明初置嘉靖中增
設堡以禦倭陌城寨在縣東南其相連者曰陸路寨俱戍
守要地也又汶路口寨在縣東三十里炎亭寨在縣南金

鄉衛東七里有海口倭賊從此徑犯衛城西即逼近縣境孫
湖諸處嘉靖中置寨并設珠璣營戍守又西南十里為大吳
海口亦戍守處也

大小漁樵二寨在衛東南又北則逼近縣境南鹽場諸處
嘉靖中設軍戍守大濩寨在金鄉衛東有大濩海口又南
為小濩寨近蒲門所西臨海北鎮山程濩寨在縣南蒲門
所東南葛蒲洋寨在蒲門所東海濱嘉靖中倭賊嘗犯此
嶼小濩寨俱撥水軍戍守嶼山寨在縣東北壯士所東南
臨海口平山寨在壯士所東北

案各縣諸寨同為防倭設備而建置先後無可分別細攷
茲以是時有温州沿海擇要設寨之議姑彙叙於此耳籌
海圖編及方輿紀要中多誤字今隨筆改正

丙瑞安復建南岸寨城

嘉慶瑞安縣志二建置志城池南岸寨城在飛雲渡南岸馬
道嘉靖中遷

案此條年分亦所未詳姑附諸寨之次

移處州守備為欽總駐劄磐石嶼温州委總分管南北兩港口
玉介園存稿十八温州衛所及海防官制說溫處兩府嘉靖

以前止設欽依守備一員駐劄處州專為防礮温州海上
設委總一員惟海上諸衛所隸之甲寅乙卯歲倭起乃移處
州守備為欽總於磐石黃華等處駐劄又以南北兩海口相
去三百餘里照應不及仍添設委總一員南北分管

始設總兵官總理浙直海防

明史七十六職官志

明紀三十五世宗紀初以倭患急特命都督劉遠為浙江總
兵官兼轄蘇松諸郡

明定防倭諸臣職守

明史紀事本末五十五沿海倭亂嘉靖三十四年閏十一月
給事中孫濬上言防倭諸臣既有巡撫總兵又有總督及都
察院重臣事權不一牽掣靡定迄無成功兵部覆奏諸臣職
守督察主竭忠討寇實數布聞總督主徵集官兵指受方略
巡撫主督理軍務措置糧餉總兵主設法訓練身親戰陣至
於有司責在保安地方固守城隍帝然之命行諸臣各遵敕
諭施行

是年春夏間寇嘗入瑞安境以有備而去又有從仙居至樂清
竄興復竟往太平者各十月賊自樂清登岸旋流劫寧紹台各

郡歷五十餘日始殲於官軍又有賊船泊平陽南麓山下至十
一月上將軍嶺至蘆浦復從白沙至十六都北港葦園又至瑞
安越桐嶺侵永嘉滿掠上鄉諸處而瑞平二邑至閏十一月十
二月間猶有采犯者先後殉職之武員有守備劉隆指揮祁嵩
千戶尹口口綱百戶劉敏張剛張澄等若干人

明史三百二十二日本傳嘉靖三十四年十月倭自樂清登
岸流劫黃巖仙居奉化餘姚上虞被殺擄者無算至嵎縣乃
殲之亦不滿二百人顧深入三府歷五十日始平

明通鑑六十一嘉靖三十四年十一月戊午倭五十餘人犯

溫州之平陽縣殺指揮祁嵩平陽所百戶劉愨 閏月庚午

胡宗憲進攻平陽之賊遣守備劉隆禦之于三港官兵敗續
隆及千戶劉綱百戶張剛張澄俱死之

雍正浙江通志一百六十四人物志忠臣劉隆傳引嘉靖竄

波府志隆字大昌世襲定海衛指揮使以強幹屢協總諸衛
備倭海上陞署都指揮守備溫處乙卯倭寇數百將薄瑞

安縣隆整兵邊出欲折其鋒偏將尹千戶諸旋師避之隆不

聽經往殺賊十餘人賊遁去迴軍至田間有數十賊伏莽中

遽起擊隆隆不及備遂與尹千戶俱戰死事聞仍與世襲

萬曆温州府志十八雜志災變嘉靖三十四年十月倭船泊
南麂山至十一月踰將軍嶺至蘆浦從白沙至十六都北港
林園閏十一月三日温州衛指揮祁萬百戶劉敏領兵出
哨渡溪未竟倭伏起突擊將士死者六十餘人嘉靖三十
五年十月倭由閩犯瑞安境守備劉隆指揮祁萬死之
又九治行志郡良吏祁萬傳萬字邦翰温州衛指揮協總平
陽港嘉靖乙卯倭自大壩登岸渡白沙浦至北港掠麻園萬
與百戶劉敏同遇賊挺身冒刃戰歿於陣

康熙温州府志十八名宦志武宦祁萬傳嘉靖丙辰倭寇

猖獗萬領兵平陽麻園與百戶劉敏同遇賊於北港挺身冒
刃力戰俱死事聞詔建祠祀之

康熙瑞安縣志九藝文志政治類秦激壺山獅巖寨壁記

乙卯春閩聚強徒飛檄入境聲勢可畏里人莫知所出悉奔
寨壘老幼無慮萬數族別而區分之感得歎所壯者各從保
伍分禦險隘復會隣鄉之旅相為倚賴於是賊知有備不敢
犯

嘉慶瑞安縣志十雜志寇警嘉靖三十五年十月倭由閩犯
瑞安境守備劉隆指揮祁萬死之時督兵于紫霞山摩崖題

名尚在

乾隆平陽縣志十一職官志武畧初萬劉敏傳萬溫州衛指揮敏平陽所百戶嘉靖乙卯倭寇自大興登岸渡白沙浦至北港萬同敏與戰兵少而敗俱死

籌海圖編五浙江倭變紀嘉靖三十四年十二月賊犯平陽

三港守備劉隆等死之賊尋平賊自南鹿山流入金鄉至

平陽之三港官兵激擊大破之賊俘為我兵裝束遠出陣後

而以精悍者衝其前腹背夾擊我兵遂潰隆與千戶鄭綱百

戶張澄死焉樂清賊犯寧海尋至平陽望指揮初萬等

死之萬與百戶劉愨俱力戰而死

又十遇難殉節考嘉靖三十四年四月賊犯瑞安縣守備劉

嘉靖東南平倭通錄三十四年十月倭二百餘人自樂清岐

頭登岸流劫黃巖仙居甯海等處所過焚戮官兵莫能禦至

楓樹嶺慈谿餘姚由上虞渡曹娥江犯會稽十一月交

犯平陽縣由大興登岸殺協守指揮祈萬平陽所百戶劉愨

閏十一月總督胡宗憲以倭犯平陽遣守備劉隆率兵禦

之逼賊於三港敗績陸及千戶劉綱指揮張登俱死

擊死者凡五十七人好事少年觀其揚兵尾隨而死者又幾
許人倭并其首截之列諸田隴之上厥後每遇陰雨之夕即
聞鬼聲叫號居人駭驚未晚扁戶道絕行蹤或苦懼者呼以
倭來彼即止矣試之果然倭自此由夏山竟至嶧頭渡溪由
黃巖而抵紹興俱遭官兵殺戮惟餘俘虜諸人莫不稱快
嘉靖乙卯十月倭船泊南岫山十一月上將軍嶺至蘆浦後
從白沙至十六都北港林園墜十一月三日温州衛指揮卞
萬百戶劉敏領兵出哨渡溪未至賊伏林中突出將士死者
六十餘人

讀史方輿紀要九十四平陽縣橫陽江在縣西二十五里一
名始陽江又名前倉江嘉靖三十四年倭自南麂山流入
金鄉犯平陽三港官軍禦之敗績

天下郡國利病書九十嘉靖三十四年十一月賊眾二千餘
人乘舟遁出南匯口後有攻犯温州瑞安者守備都指揮劉
隋戰死

案是年寇事諸書所載互有違異而一書中前後兩處年

月且復歧出茲姑並錄存之以俟攷定明通鑑及籌海圖

東中

編之劉愨檢各志表傳皆作劉敏則愨字似誤天下郡國

利病書之續隨他處皆作劉隆則隨字似誤千戶尹某百
戶張剛張澄各志職官表俱未之見又千戶名細者或作
姓劉或作姓鄭在各志中亦無可稽故闕疑焉

又案光緒青田縣志卷十七雜志兵寇稱三十四年夏四
月倭寇突入青田縣境未幾又踵故道來官兵敗績百戶
張澄死之云是則張百戶殉於青田之役與籌海圖編不

合

賊又嘗登犯蒲門所轄之程溪寨

籌海圖編五浙江事宜程溪寨嘉靖三十四年賊嘗登犯

詔建旌志祠祀祁蒿而平陽縣民亦為劉敏立祠曰褒忠

萬歷温州府志九治行志祁蒿傳詔建祠祀之

康熙温州府志八祠祀志永嘉縣旌忠祠在三港廟左祀指

揮祁蒿平陽縣褒忠祠在北門內祀百戶劉敏

兩浙防護錄指揮祁蒿祠……在西北四堡八字橋莊

案乾隆府志祠祀志及乾隆平陽舊志秩祀志並稱褒忠

祠祀百戶劉敏民國平陽新志神教志神祀亦沿舊志作

敬而敏無……可見當係敏字傳寫之謬

溫州府圖書館